

حتى بلوغ الفجر

حتى بلوغ الفجر: شعر عامية

الكاتب: أحمد صالح

تصميم الغلاف:

تدقيق لغوي وإخراج فني: الباشا عبدالباسط

رقم الإيداع: 2017/

Facebook Page: دار لوغاريتم للنشر والتوزيع والترجمة

E\_mail: [Logarithmpublish@gmail.com](mailto:Logarithmpublish@gmail.com)

Tel.: 01015642559



المدير العام: إيناس ناصر  
مدير التوزيع: حمزة القاضي

جميع حقوق الطبع والنشر محفوظة ©

# حتى بلوغ الفجر

شعر عامية

أحمد صالح

إهداء إلى

أبوي وأمي ""

اللي أنا من غيرهم ولا حاجة

إلى بداية كل حاجة وآخرها " بسمه "



إهداء إلى كُلِّ من شارك فعلاً ولو بالقول

ولكل إيد صاحب ساندتي في المضمون

ولكل شكل ولون وطافت عليه حروفي

إهداء إلى من جاء بالحُسن وقت الضيق

ولكل من عادى فسلامي ليك يا رفيق

من حُسن حظ لُقاك مهّدت ليّ طريق

**أحمد صالح**



# المقدمة



هذا العمل تم كتابته ما بين لحظات يأس وأمل، إحباط وتفؤل، هزيمة وإنتصار، تعب وراحة، فرح وحزن، خوف وقوة، قرارات بالبدء و أخرى بالتوقف، كان حلم يراودني منذ عام 2006 وظل هذا الحلم صاحب سند لعدة سنوات، تراجعت كثيرًا وكثيرًا قبل البدء في كتابته وصياغته، كانت تُسيطر حالة من الفشل على تفكيري دائمًا .

ولكن رغم كل تلك الظروف والفترات التي مررت بها ومرت بي جاء القدر مخالفًا لكل قراراتي وأفكاري ليُعلن عن تحقيق هذا الحلم وظهوره للنور رغمًا عني ..

خلال قراءتك لهذا العمل سوف تجد بعضًا من النصوص الشعريّة قد تُعبر عنك أو عن صديق لك أو لا تُعبر مطلقًا، كل الأمور واردة ..

لذلك هذا العمل قد لا يمت للقارئ بصلة وإنما هو تلخيص لتجارب واقعية في كلام بسيط خالي من العمق والتعقيد .



بتعيطي على إيه

بتعيطي على مين

اللي انتِ باقية عليه

حاضن في ناس تانيين



## تَسْعِينَ دَقِيقَةً بَلَا

النَّص خَالِي

من جميع المُفردات

عاجز عن وصف ذاتي

في شوية سطور

الوصف حالي

إن جازت التشبيهات

مَضمُونُهُ خاوي

ولهذا كلُّه كسور

لما الفؤاد نبضه اشتكى

جفن العينين داب مِ البُكا



واما الحنين صابُهُ التَلَف

كان الكمان وقتها

لُهُ رأي جَدًّا مُختلف

وعزف لي لحن كُلُّه فرح

مجنون أنا

إزاي كمان يعزف سعادته

فاكر أنا

وقت امَّا مُت يوم فيهم

كان دمي لهم قهوة سادة

الليلة كان اللُقا

أوشك على نهايتي

تسعين دقيقة بُكا



و النعي لجنازتي  
كُل العياط ممنوع  
كُتر العياط مسموح  
يا ما مسحت دموع  
و دمعي مش ممسوح  
أنا مش كئيب أبدًا  
ولا غاوي يعني عياط  
ودموعي دي سببها  
غُبار هموم فيَّ  
خوفًا على عينيَّ  
غمضت فجأة .. بكيت  
أنا كُنت لهم بيت





وسابوني وحديّ

سايب روجي وذاتي للنصيب

عايش عُمرِي ماسِك في خلق تسيب

نصيبي عُمره ما صاب .. الفرح خادني غياب

داير بالملم بواقي عضي من التسريب

من كام سنة وانا

شايِل أحزان بالكُوم

كُل الصُّحاب غايبة

و الوحدة ليّ تدوم

شايِل في هموم

قسمتني اتنين

واحد باكي ..





والتاني حزين

أنا عايش ميّت في الحالتين

عابر سبيل ..

عدى على ليبي

فضفضت له همومي

خلص لي مناديلي

- ما اعرفش إمتى في يوم الفرحة هتجي لي -

\* \* \*



## قالوا عني

قالوا عني إني فلاني

وأعرف م البنات يا ما

باقوم من نومي

على واحدة

واقضي يومي

بكام واحدة

دا واد عُمره

ما شاف وحدة

وباسهر كل ليلة في بار

لا عارف ليل ولا نهار



وانا أضحك واقول عادي

يقولوا زي ما يقولوا

أنا راضي

ما معروفة في الأمثال

بإن الفاضي يا اخواننا

يتربص لأفعالنا

قال قاضي

أنا والله يومياً

باخاف م الموت وسكراته

باخاف قلبي

يفارق في ثواني لحياته

لا عمري عرفت



طعم الكاس وسكراته

ولا ريتي شرب أنفاس

توقف قلبي دقائقه

أنا زهري ما شافش قمار

مانيش خمّار

لا انا شيخ ولا راهب

ولا كاهن ولا درويش


أنا عايش عشان احلم

وأحلامي صايبها الشّيح

أنا ولا حاجة والله

أنا كان نفسي بس أعيش

\* \* \*



كُلُّ البَنَاتِ كَوَليهِ

وَحبِيبَتِي أُغنيَةُ

أنا حُضنِي ما يَساعِشِ

غَيرَ ضَمَمَها هَيَّ

## تصريح بالدفن

واهو جالي الموت

مكسوف بيخبط على بابي

مكسوف من إيه؟

يلا اتفضل بدون استئذان

رغم اني صحيح غرقان في ذنوب

كُلي معاصي ..

فاتح دراعاتي بالأحضان

جاهزة الأكفان

جاهز لمُقابلة رب كريم

ربنا رحمن قطعاً ورحيم



مستني إيه؟

أنا زاهد صنف البني آدمين

كُله بينهش

حضنت قلوب زي التعابين

عمّالة بتاكل في ضلوعي

" مشهد محذوف "

سرير جوا أوضة ضلمة

وناس كتير متجمعة

ساد السواد وياه سُكوت

شُعاع بسيط وسط عتمة

روحُه يا دوب متلصمة



آخر نفس .. سكرات الموت

عيون بتودع نظرتة

بتنزف دموع

راحل خلاص عن دنيته

ما فيش رجوع

دايري بئص في الوشوش

على ناس زمان كانوا هنا

بعدوا يوم عنهُ وسابوه من كام سنة

شريط حياثه بيمر قدامه بطيئ

نفسه يضيق ..

جواه حنين لحب قديم لساه عايش

مع إن الحلم من سنين أصبح بايش



قلْبُه بيسأل عنها .. وسط الحضور  
نَبْضُه وحشُه حُضْنُهَا .. ضِلْعُه مكسور

"عَيَّطت ليه في اللحظة دي بالذات .. لما الكمان عزف لي لحن  
آهات .. وقت امَّا كان .. أو ما كانش .. يمكن عياطي من كلام كان  
دَبْش .. حدفوه قاصدين .. وقالوا إنه هزار .. عَيَّطت جايز على كُل  
شيء ما حصلش"

بتعيط ليه..؟

الموت علينا حق

وفي ناس غاوية قتلنا

كُل اللي كان عامل شارينا باعنا

ومثَّل علينا حُبنا



كُتِرَ عَيَّاطُكَ فَادُكَ بِأَيْهِ..؟

سهران، تعبان، مخنوق مهموم

داير في دواير طول اليوم

كان مين بيدوم؟

مدد .. مدد

الله أحد

الله صمد

وحدّه اللي دايم

بيه وبس انا مُكتفي

عن الخلق صايم

لساك بتعيط

حاضن أوجاعك بإيديك



مين أصلاً كان حاسس بيك

كان مين شاريك؟

الموت مصير.. الموت وطن

وما فيش بديل.. غير الكفن

\* \* \*



## بنت من سابع سما

"وصفوا لي الصبر لقيته خيال .. وكلام في الحب يا دوب يتقال"

غنيت في عيونها كام موال

ونويت أسكنها بدون ترحال

من صوت أغاني الست

مستوحي هذا النص

فيض من مشاعري لبنت

مش مُحَن وكلام رص



الأولة عنها ..

التانية والثالثة

و الرابعة لهما و منها

الخامسة بيها ..

السادسة والسابعة كونها

أسير أنا عيونها

الأولة عنها ..

عاجز صحيح عن وصفها

وخايف اظلمها

سبحانته أبدع في خلقها

حورية م الجنة

م التانية للرابعة..



مش قيس في حُبي أنا

دعيت رب السما

فبقيت مجنونها

والخامسة والسادسة والسابعة..

دمع عيني جَف

جرح القلب خَف

مش لاقى أبداً وصف

لمشاعري أوصفها

ما بين حور السما

ما بين بنات الأرض

لقيتني فيها أنا



عاشقها سُنَّةَ وفرض

يا بنت سابع سما

الاختلاف مش فيَّ

الاختلاف في وجودك

ميت في حُبِّك أنا

ميت أنا بَدونك

يا سمايا وأرضي وسفينتي

في بحر الدُّنيا أنا غرقان .. نجيني

يا شمسي وقمري ومدينتي

يا بَلَّةَ رِيقِي الظَّمآن .. ارويني



عِشْتَ العُمُرَ مَسْتَنِى

بَقِيتِ الجِفْنَ والنَّيى

لَو يَوْمَ غَابَ ضَهْيى ..

ضَلَّكَ وَحْدَهُ بَاقِى لى

يَا حَلَوَةَ كُلِّ مَا فِىكَ

أَحَلَّوْكَ شَيْءَ بَيْكِ

عِىونَ غَيْرِكَ شَاغِلُونِى

لَكِنَ وَاللَّهِ مَا شَغَلُونِى

سَلَمْتَ رُوحِى لِمَعَالِيكَ

أَنَا كُنْتُ يَوْمَ عَايشَ يَجُوزُ

عَايشَ بِقَلْبِ عَيْلِ عَجُوزُ



كنت فاكر وقتها إني هاموت  
قلبي عجزم البُكا وعيَّط سكوت  
صابتني علّة المرض .. صاحبة السرير  
أنا كُنت ناسي وقتها ..  
كام عندي عُمر من السنين؟  
شيطان على هيئة بشر ولا ابقى مين!  
وهبني ربي من السما .. بسمة حياة  
هيّ الشِّفا، هيّ الدوا ..  
هيّ النِّسيم، هيّ الهوا ..  
هيّ اللي بس وقت الغرق .. طوق نجاه



من يوم لقانا

عرفت أبقى مين أنا

أنا أبقى هيَّ

-لأ- هيَّ أنا

والله كُنت قبلها ..

راجل مُسِن وعُمَره راح بلاش

مسك الختام لحياة يمكن عيشتها

وبداية دُنيا لَسَّا ما عِشْتهاش

\* \* \*

كبرت جدًا عن الأول

والدود هياكلني وهابقي تُراب

وحيد وما فيش حد مكمل

أحلامي باشوفها تملّي سراب

مستحمل واللي مصبرني:

إن انا في عيون الخلق عجوز

وفنّ عيونك بابقى شباب

## إكْتَابُ مُزْمَنٍ

السما بتضلّم تدريجي

تقريبًا كذا الموت قرب

عياط متدارى فتهيدي

الفرح يبعد وانا أقرب

عزف كمانجة

وأيديّ لقيتها بقت باردة

مسرح .. جمهور

ما بقاش ينفع

ودعت الشعر وودعتي

هجرت الشعر..!



أو جايز هو اللي هجرني

فشلت يجوز ..

مش لآقي حروف توصفني

وان مرّة لقيت ..

ما فيش ولا حرف بينصفني

عاجز عن وصف أحوالي

ما اعرفش إيه اللي جرا لي

انغير جدًّا أنا حالي

عايش مكسور ..

أنا كُلي كسور

وان مرّة ضحكت

يتبدل ضحكي لحُزن شديد



أنا عايش ميّت بالتأكيد  
أنا دائماً وسط اللمة وحيد  
الناس ..

الناس بالوحدة عايروني  
من يوم ما بعدوا وسابوني  
حليّت أيامهم بعد المرُ  
وهمّ م العلقم سقوني  
يااه لجنوني..

عيل غلبان وعبيط جدّا  
أتعلق ف احبال كات دايبة  
كُنت أمسك وإيديهم سايبة



قررت في يوم ..

"إني اخرج خارج هذا الكون وادخل كوني"

الناس من تاني عايروني

اختل ف عقله .. بقى مجنون

سهران ليله..

كالعادة كُنت لوحيدِي

قُلْتُ أُغني ..

دندنت غنوة كانت ليَّ

"في الليلة دي بالذات ..

ما اعرفش ليه بادمّع ..

على كُل حد اتساب .. يمكن عشان اتسابت ..

وانا عُمري يوم ما سبت"

أنا أعرف ناس ..



كربون متفصل تشبه لي

معدنهم ماس

دائمًا بالاقبهم باقيين لي

ليلاتي بنسهر صباحي

جراحهم حاضنها جراحي

سهرانين..

أربع حيطان ومبجلقين في السقف

وشريط سخيف يمرُّ قدامنا بشويش

عمّال يقلب في اللي فات وتعبنا لف

ودموع كثير جفّت من التحويش

وسيجارة زهقت من هموم نحكمها نفخ

دخانها كوّن سحابة مطرت حبة عياط



كلامنا ليه اتحول سُكات؟

لسّا الشريط عمّال يمّر

عمّال يكرّ..

جايب جنازة ذكريات

سُكرها مرّ

حالتنا ليه ما بقاش يسرّ

\* \* \*



## آخر حدود الصبر

في المبتدأ

سميت باسم الإله

دعيت وكلي خشوع

يارب أنا عاصي

جاي لك وكلي ذنوب

اغفر لي وامحها

صابر كما أيوب

كلمة قالوها زمان

ربك دا رب قلوب



من كام سنة وانا  
لسّا اهوزي ما أنا  
تايه ما بين كُ البشّر  
وما ليش طريق  
وشوش كثير اتحوّلت واتبدّلت  
وبافارق كُ يوم في صديق  
  
صاحبت من الصُّحاب  
أعداد ما لهُمش حصر  
سابوني لوحدي  
في سكة مليانة كسر  
قالوا زمان في الأمثلة



"الصبر مُفتاح الفرج"

طول عُمري باحسب حياتي

في مين دخلها ومين خرج

آخر حدود الصبر

بعد سنين العُمَر

راحة تدوم في القبر

وانا صبري عدى جبال

"صاحبي اللي كتفُه ف كتفي بيخليني مستحمل"

وانا كتفي شال أحمال

ما بقيتش حمل هموم

أنا كتفي سابني ومال




مدد يا فرح مدد  
نفسِي تزورني في يوم  
نفسِي يكون لي سند  
أسند عليه وأقوم  
خَبَّطُ على بابي  
قبل ما تُرابي ..  
يغطي لحم وعضم  
يصبُحُ فُتاتُ بالكُوم  
أنا نوري كُلُه غيوم  
سميت باسم الإله  
تايه مع حيرتي  
قادر يارب انك



تنور لي بصيرتي  
كل اللي سابني وراح  
هاعتبره كان ضيف  
قلبي اللي عاش كفيف  
أبصر على أيديها  
و انا عشت طول عمري  
نفسى أموت فيها  
آخر بنات كوني  
مهما قابلت بنات  
وجودها يغنيني  
عن كل ماضي فات

\* \* \*



سکران یا لیل من خمرتک  
مع اینها ما فهاش کُحل  
ماشی فی شوارع حضرَتک  
درویش وزاهد دُنیتی وناسها کُل

## نفسِي أَعِشْ

كُلُّ الصُّورِ فِيهَا صُورَتِكَ

كُلُّ الحُرُوفِ تَنطِقُ بِاسْمِكَ

كُلُّ الأَمَاكِنِ وَالوَشُوشِ

لِيهِ بِأَشُوفِ فَمِمْ مَلَامِحِكَ

طَوَّلَتْ لِيهِ غِيَابِكَ عَلَيَّ

أَنْتِ لِيهِ مَشْ حَاسَةٌ بِيَّ

فَأَكْرَةُ زَمَانٍ لَمَّا قُلْتِ

غَيْرِكَ حَبِيبِي أَنْتِ مَا لِيَشِ



سَبَبْتِ جِوَا مَنِي ذَكْرِي  
خَلْتَنِي مَش عَارِفِ أَعِيْشِ  
نَفْسِي أَشُوفِ فَيْكِ بُكْرَةَ  
ارْجَعِي لِي مَا تَغْيِيْبِيْشِ ..

لَمَّا قَلْبِي حَبَّ غَيْرِكِ  
قَلْبِ غَيْرِكِ مَا حَبْتِيْشِ  
قَلْبِي مَش قَادِرِيْسِيْكِ  
قَصْدِي مَش عَارِفِ يَعْيشِ



يا اللّٰي كُنْتِ كُلِّ حَاجَةٍ

كُنْتِ أَصْلًا حَتَّى مَيِّ

غَبْتِ عَنِّي وَلِيهِ بَعْدَتِ

بَعْدَ مَنِّكَ إِيه فَاضِلٌ لِي..!

كُنْتِ رُوحِي وَقَلْبِي قَلْبِي

كُنْتِ شَمْسِي فِي عَزْلِي

غَبْتِ فَجْأَةً وَلِيهِ بَعْدَتِ

بَعْدَ بُعْدِكَ إِيه بَاقِي لِي..!

\* \* \*



## حكاية صبي

"مشهد لحكاية حقيقية"

تصوير خارجي

-داخل الكادر-

تراييزة خشب مع كرسي قديم

شخص بشخصين عايش يمكن

لكن فعلاً كان شبه سليم

وليمون نعناع بارد جداً

مع كام علبة بيقولوا "ميريت"

كشكول متسطر حكايات



حكاياته يجوز لهم حكيت  
وغيوم ف سحاب كانت شاهدة  
الموت ف سقوط كام جزع شجر  
وبتسأل نفسك لو عارفة؟!  
أو يمكن صدفه .. وموتها قدر  
الدنيا كثير جدًا أصلاً  
بتحن لناس ماتت جهراً  
وبتبكي هموم .. والهم حضر  
الناس من جهلها بتقرر  
قال يعني بكاهها ما كانش مطر  
- شخص خارج الكادر -  
قاعد في مكان ما مهزوز



وبيزهد في الناس إياه

عائش والقلب دا قلب عجوز

رغم إنه شباب وف عز صباه

- داخل الكادر مرة ثانية -

كان الورق مرصوص عشان

قرر إنه يشوف همومه

وف جزء أقل من الثانية

قميصه اتبل للتانية

وبرغم كتمانہ لدموعه

بدأ تفاصيله بالآتي

تلخيصًا جدًا لحياتي



باسم الإله هابداً  
ع المُصطفى صليّت  
عايش بلا مبدأ  
وف عقلي أنا اختليّت  
خارج حدود الوزن والقافية  
خارج جميع المُفردات  
كاره وجودي يا خلق بالعافية  
يفرق ب إيه الأنس بالأموات  
عزفت لحن حزين  
ونفخت همي نايات  
في هذا النصّ تحديداً  
في هذا النصّ وصف الذات



شَدُوا الكراسي واقعدوا

قد حان وقت الاستماع

هاحي حكاية صبي

ضهره اتحنى أوجاع

ويتدارى من وجع خوفه

ما بين كام كلمه ف حروفه

بيستقوى وينسى ما فات

بيلعن حظه و ظروفه

والحلم أصبح كؤم فُتات

صدره من الهم اتفلق

من تهيدات كتر العياط

يشنق حروفه ع الورق



وكلامه مايل للسُّكات

قلْبُه اللي تايه بين ضلوعه

اتخلى ليه عن خط طوعه .. وليه وحيد؟!!

كُل اللي كان موجود زمان .. أصبح بعيد

كُتر البُكا لو صار بحور .. طب إيه يفيد!!

- الكادر مش مضبوط .. والصورة مش واضحة -

وكلامي مش منقوط .. ليه كدبتي فاضحة

يمكن عشان كداب وانا عكس ما حكيته

جواي كان إنسان ليه ضعفت وداريته

وبابان قوي في كلام

واسرد حكاوي من الهوا

مريض ودائي وعلتي



ما لهُمشِ وصف ودوا

تايه ما بين وحدتي

أنا فين ومين طب أنا؟

كُنت في يوم جدًا صبي

كان كل همي ومطلبي

والله ما انا عارف

راضي بعماي يجوز

قال يعني انا شايف

جربت إني أفوت ولوحدتي أخطي

قُلت اكتب الأوال وما ترجموش خطي

صرخت في وشي الحياة

تهديد دا ولا نجاة؟!



- اسكت يا عم عشان همك مموتها-

اسكت بقى ..

ولا انت ناوي إن البكا يصاحب عينيك

ذُل، وإهانة، ومرمطة ..

أدمنت ليه كُـل اللي غاوي يهد فيك؟

- مشهد أخير -

تتر النهاية نزل قبل الأوان بأوان

آخر شهيق هدني وبيخنق الإنسان

أحوال بتتبدل .. أصحاب وصبحوا سراب

يشمها دخان سجائري

الثقة مصدر خسائري



سرطان فراق في الروح

اتسرسبوا ف عضمي

كالسيل لدم جروح

ولضمت جرح الروح

بالخيطة وكان دايب

كل اللي قال فاضل

كان ليه يا ناس سايب

كل الأطباء اشتكوا

واحتاروا وصف الداء

ليه وصف نوع المرض

يكونش مرضي غباء

إزاي يكون تشخيص دكتور لحالتي عجوز..



إزاي يا خلق يجوز؟

يشبه ساعات ف البيت

والبيت جداره عتيق

وحالات كثير أشباه

والاسم يعني حياة

وأخرها موتها بطيء

ملعون أبوك يا طريق

\* \* \*

بقى شبه روتين، بُن و نيكوتين

الليل و النيل و غناوي مُنير

و رصيف سهران ليلى معايَ

الوحدة كانت أحسن بكتير

## خبط دايب

ما حدش باقي لك

دموعك ي ليلك

هيّ اللي باقية

الناس تشوفك

تضحك في وشك

فتضحك تغشك

قلوب البشر..

ما بقتش صافية

قلوب عيرة

ما لهاش تسعيرة



معروضة في القطارين

القوة في القهوة

والشد في النيكوتين

اشرب عشان تنسى

مين اللي فاكرك مين؟

اللي خاين

واللي غايب

واللي فاضل مِ الحبايب

للأسف خيط أصله دايب



واللي جرحه لسّا فينا

واللي هاجرنا وناسينا

واللي شارينّه بايعنا

واللي قال إنه شارينا

النفوس ما بقتش صافية

والبيوت ما بقتش دافية

اللي حامد ربّه دايمًا

واللي بس عايشها عافية

واللي حاقد .. واللي حاسد

واللي كاره خير لغيره



واللي ساذج .. واللي بارد

واللي مش راضي بمصيرُه

الوشوش تاهت في زحمة

منها عايش .. منها مات

والقلوب هجرتها رحمة

يبقى إيه .. م الذكريات

الوشوش في الشكل تاهت

والحاجات بقى لونها باهت

واللي سابنا .. سابنا لكن

ساب جوانا جرح كاتم

والخوف بقى فينا ساكن



وابقوا اسألوا ..

كُل اللي غابوا وودعوا

ليه ودعوا؟

لو تعرفوا..

إمتي يكون وقت اللُقا

أو إمتي تاني هيرجعوا

ابقوا اسألوا ...

\* \* \*



## أنا العاشق

زغللت عين الشمس

عشان ما تحرقنيش

زغزغت طوب الأرض

برضه ما ضحكنيش

دورت جوايا

كام مرّة ما لقيتنيش

زاهد حياة ودُنيا

عايش كما الدراويش

أنا باضحك عادي وسط الناس

وبامثل إن الضحك بجد



باضحك وأنا كُلي هموم بالكُوم

علشان ما اصعبش يوم على حد

أنا غنوة حزينة

بصوت مجروح

مع لحن كمانجة

يهز الروح

أنا عايش بس

حلاوة روح

أنا ضحكة جميلة و ما بتكلمش

باغلط يا ما و ما باتعلمش

أنا أضعف خلق الله لكن

دائماً من برة أبان أقوى



الجرح فيّ بقى ساكن

فبلاش عليّ تستقوى

أنا يمكن خايف من بكرة

أو إنيّ ما اصحاش لما أناام

أنا جاهل وما عنديش فكرة

ولا عارف إيه معنى الأحلام

أنا العاشق و مش معشوق

أنا المتساب بدون أسباب

و كاس الفُراق منه بادوق



أنا الشاري و مش بايع

أنا التايه و مش ضايح

أنا الفرحان لكن زعلان

ومش مخنوق

أنا الباقي على حاجات .. مش لي

ومش باقي لي غير ذكريات

ملازماني وحوالي

ومنها مش بافوق

أنا الناييم .. لكن صاحي



أنا العايش .. على جراحي

أنا الخنقة مصاحباني

لكن بانساها فثواني

وبالي يروق

باضحك صحيح إنما

غَشًّا في كام صورة

إزاي أطول السما

وانا روجي مبتورة

\* \* \*



أنا حيلي أضعف من خيوط العنكبوت

باعوا فيّ واشتروا كأني ورقة بكنوت

باشبه قوي، لدودة جوا الشرنقة

غزلت بخيوطها مشنقة

كان أقرب طريق للنجاة الموت



## ولجعتني

النص دا مش شعر

النص دا فيه هموم

ناتجة لوجعي البكر

النص خالي الفكر

النص دا ناتج..

لبواقي قلبي الكسر

جيت أكسره كسرتني

النص خسرتني



أحلام كثيرٍمِ العُمُر

ضمّيتها بين روجي

ضمّمتني ضمّة قبر

حبيبتي .. أما بعد

انتِ وأنا مش لبعض

ما بيننّا ألف سد وسد

رسمنا طريقنا بالخطوة

حفظنا زمان كام غنوة

وأخرتها فرّقنا البُعد

باسم اللي خلق الحُب



باسم اللي خلق القلب

هابداً قصيدتي بكَفِّر

حُبِّكَ دا أكبر ذنب

وانا كُنْتُ فيه عاصي

مش طبعي اكون قاسي

كان نفسي أحلامك

تبقى على مقاسي

يجوز سبتيني أو سبتك

يجوز سبتك فسبتيني

عشت ليك وعشتك



وبضلوعك دبحتيني

وجعتيني

حبيبتي الغاية من فترة

أنا نسيتك على فكرة

بقيت والله مش فاكرك

ولو شُفتك يوم صُدفة

هاخترع وقتها أي كدبة

وهاعمل فيها مش عارفك

زمان أنا كُنت باشبه لك

في الحنية وطيبة الأصل



دلوقتي بقيت كربون تلميذ خايب

في آخرتختة شمال في الفصل

كُنت معاكِ شبه عيل

فرحان بالحاجة فُ أولها

وقت تعبي عليكِ أميل

وعمري ما كُنت باحسها

كات كل الناس لما تشوفني

يقولوا لي حبيبتكِ تشبه لكِ

دلوقتي بقيت باشبهه جدًا

للوجع الحاضن تهيدتكِ



بس انتِ فجأة غِبتِ

ولِيَّ سِبتِ حاجات كثير متلخبطة

وكام سؤال إجابتهم دائماً متشتتة

كُنت أسهر أغني لك..

مع إن ف صوتي نشاز

أمنت بإن الصُدفة دي شيء إعجاز

حُبِك ليه يبقى مَجاز؟

صدقت كلام اتقال أمثال:

إِنَّ الصُّدفة بألف ميعاد

حُضنِك كان فيلم قديم مُتعاد



كتبت الشّعركِ زمان

وكلُّ مكانٍ سوا رُحناه

أقسمت 100 يمينٍ ويمين

إن انتِ وجودك ليّ حياة

ليه أغرق على إيديك!

بعد أمّا كنتِ طوق نجاة

لو قلتِ ف شعري يومٍ موجد

الناس من وجعي تقول الله

بعد أمّا كنتِ

انتِ الحبيبة الملهمة



فجأة بقيتِ

كُل الحاجات المؤلمة

جواي سبتِ

جراح كثير معلمة

أنا آسف لقميصك ع الدمعة

كان سببها الجرح اياه

رديتِ الدمعة بجرح كبير

وقلبي ما قالش حتى آه

فيه كام سؤال ما لهُمش إجابة مُمكنة

- ليه يعني كُُل ما زاد الحُب بيزيد مُعدل الغباء!



- وليه دائماً كل الحكايات آخرتها بتكون فراق!

مين ساب الثاني ما هيش فارقة

لو حد سألني هاقول سبتك

يحرّم على حُضني ف يوم حُضنك

أو قلبي يجيب أبداً سيرتك

\* \* \*



## مَاطَة فِي نُصْرِ النَّصْرِ

"تنويه: تم كتابته عام 2006، منذ بدايتي في الكتابة"

### النص

في يوم من الأيام

كانت في أوضتها

سهرانة مش بتنام

كالعادة مع وحدتها

مليون سؤال وسؤال

شاغلين تفكيرها

وما فيش جواب ع البال

قادر يطمئنها



وفجأة جا لها اتصال  
من واحد كان حبيبها  
قلبها م الفرحة طار  
لكن كرامتها كات دائماً تعاندها  
ما هي يا ما قبلت أعذار  
وعارفة إيه مصيرها  
وعارفة إيه آخرها  
يومين وف نفس الوقت  
رن تاني موبايلها  
قالت خلاص جه الوقت  
مهي أصلاً على آخرها  
وقبل ما تنطق بأي كلمة



سبقها هو بالكلام

وقال لها ليك عندي جُملة

نبرة صوتك والله واحشاني

أنا من غيرك مش بانام

وقبل ما يكمل كلام

قاطعتُه وسألته سؤال

- هو انت ازاي قدرت تنساني؟

أنا حالي من غيرك تمام

كَمَل حياتك مع حد تاني

وقفلت المُكاملة وقلها بينزف دموع

وكان قرارها ساعتها خلاص ما فيش رجوع

\* \* \*



باتحايِل على قلبي وعيني

بكفاية دموع دا الخدّ انشَق

يومياً الملم أوجاعي

وحياتي ماشمها تَمَلِّي بَزَق

## أربع جدران

الحدُوتة ..

أنا لحن حزين جوا النُوتة

تعزفه آلة ترقص أوجاع

أنا شاب مُسنّ في سن ضياع

واللهِ بادَمع تلقائي .. لما بالاقى

اتنين اتفارقوا بدون أسباب

في قانون الحُب .. ما هتلاقي

اتنين حَبُوا وصَبَحُوا اصحاب

مين لَسَّا مَكْمِل .. مين باقي!

أربع جدران وحاضنهم باب

جواك وحدك أنت .. الباقي

أحبابك؟ فص ملح وداب

لساك بتجمع في بواقي

كام حلم قديم .. نورُه سراب

عطشان بتدور على ساقِي

رغم انك مسقي .. بحور عذاب

واهو كاس داير علينا بالدور

سنين شاربين م الحزن بحور

ماشين سكتنا تَمَلِّي عَمَّة  
عُمرنا ما عرفنا طريق النور

أرواحنا قِرَاز والمعنى انْ جاز  
إحنا اللي بنهوى نكسرهما  
بنقابل ناس ونفارق ناس  
وبنعشق في اللي بيجرحنا  
على أي أساس بنأمن ناس  
العشق ف مذهيم لعبة  
كُل اللي انداس

انداس علشان صدق م الأول الكدبة

\* \* \*



## رقصة موت

لحظة سكوت

كُل الآلات تعزف نايات

حتى الكمان وتَره حزين

الليله دي تجزم بأن

كُل اللي كان أصبح ما فيش

حان الأوان لرقصة موت

رتب وسف ذكريات

رتب وجمع الخانات

كُل اللي مات



كان نفسه يوم إنه يعيش  
وقت أمّا مات أقسم يمين  
- والله ما ارجع لو بعد حين -  
فَبَلاش نَجِّن

الليلة دي ليلة وداع  
وما فيش رجوع  
عايش سنيي بامسح دموع  
وانا دمع عيني ما اتمسحش  
ومين يحس؟

الليلة دي كُل الجموع  
تجمع صفوف  
الليلة دي على الجميع



تمنّع خوف

الليلة دي تجزم بأن

حان الأوان لِرَقِصَة موت

اقفوا خُشُوع

\* \* \*



وباسهر ليالي

أدندن غناوي .. بصوتي النشاز

كراسي القهاوي

عمدان الشوارع .. صُحابي مجاز

مصاطب حوارِي

حافِظَة لحكاوي .. قالوها زمان

باولع سجائر واجمَّع خسائر

دُنيا غرورة ما ليها أمان



## أنا و أنتِ

أنا وانتِ واخذنا الشوق

لِسكة غريبة من جهله

خصام في عناد

نقضني ليالي واحنا بُعاد

باقول لكِ إيه

ما تيجي نخلي مرّة الشوق

ياخذنا للسم السابعة ونطلع فوق

نسيب الدنيا دي بناسها وننسى الكون

واخي انا ليه

ما قلبي يوم ما شاف قلبك



حَلَفَ بِاللَّهِ مِنْ يَوْمِهَا يَعِيشُ جَنبِكَ  
عِشَانِ قَلْبِكَ يَمُوتُ يَحْيَا مَعِ قَلْبِي  
وَإِنَّا قَلْبِي مَا لَوْشَ غَيْرِكَ  
عِشَانِ قَلْبِكَ دَا أَكْثَرَ قَلْبٍ يَسْتَاهِلُهُ

أَنَا وَأَنْتِ اتْنَيْنِ  
مَا يَنْفَعُشُ يَكُونُ بَيْنَهُمْ تَالَتْ  
خُرُوجَ السَّرِّ مَا بَيْنَ شَخْصَيْنِ  
يَبْقَى لِلسَّرِّ عِيَارٍ فَالَتْ  
أَنَا وَأَنْتِ رُوحَيْنِ  
اتْقَابِلُوا عِشَانَ يَصْبِحُوا وَاحِدِ  
إِنْ مَالَتْ كَفَّةٌ مِ اللاتْنَيْنِ



التانية تكون له هيَّ السانِد  
أنا باحكي ساعات علشان أرتاح  
وانا راحتي فـقُربِكِ خليكِ  
بيضيِّق الكُؤن فاحتاج لبراح  
وبراحي فـحُضنِكِ ضُميني  
الناس بتشوف الكُؤن في حاجات  
الناس بتشوف الكُؤن أشخاص  
وانا بس باشوف كُؤني فيكِ  
درويش سكران  
وفـسُكري تـكُؤني انتِ المَرَات  
على مدد الشوف  
ما بقتش باشوف



غير صورتك ليِّ محاطاني

باهرب م الناس

وساعات م الخوف

ياريت لو كان بإمكانني

كُنت أبنِي لِك

من عَضَمِي قصور

تحاوطها بحور

م الدم الساري ف شُرَياني

\* \* \*



## هلاوس

والله بجد

مش عايز حد

يقول ما لك

أوفيك إيه

أنا زيّ الفل

أو هابقي

تمام

كُل الأحلام

صَبَحْتَ أوهام

مش كُتِر كلام



مَا لَيْش فِي التَّحْوِيرِ

وَلَا غَاوِي خِنَاقِ

مَشِ حَمَلِ فُرَاقِ

وَمَا فَيْشِ تَقْدِيرِ

عَايِشِ فِي بَرُودِ

أَنَا مَشِ مَوْجُودِ

عَايِشِ فِي الدُّورِ

مِحْتَاجِ دَكْتُورِ

يُوصَفِ لِي عِلَاجِ

أَنَا عِنْدِي غِبَاءِ

مَرِيضِ نَفْسَانِي

أَيُّوَّةِ بَاعَانِي



مِن حُبِّي الزَّيْدِ

بِالْقُوَّةِ

وَقْتُ أَمَّا احْتَجْتُ

كُلَّهُ نَسَانِي

مِحتَاجِ الوَقْتِ

أَلَا قِينِي فُتِّتْ

وَأَفْهَمِ نَفْسِي

مِن جَوَا

\* \* \*



"حبيبتي شرطة مايلة"

ضلوعي آيلة للسقوط

اخترت اموت جدًا فيك

ويكون قلبك ليّ تابوت

## ليلة بكي فيها العلم

المكان: فوق سطح بيتنا

الزمان: 2 يناير ومش هتفرق السنة

الوقت: 3 صباحًا بعد نص الليل

الحاله: بُكا قلمي في هيئة حبر

## النص

الليلة مش عارف أبوح .. ع الورق

وحروفي تايهه كأنها .. مركب غرق

حتى السطور ماليت .. مَيَّي انحنيت

زي الطريق في بدايته كان اللقا

وفي آخرة كان المُفترق

مِش هو دا خطي ولا هو دا كلامي

سن القلم خانّي ضيع لي أحلامي

الليلة كان مفروض أكتب قصيدة شعر

لكن عاندي القلم وخلق لي أحزاني

سطري اللي كان عدل، مال مّي واتكسر

حرفي اللي كان واضح، بقى صعب يتفسر

سن القلم مكسور

و الحرف بقى مسجون

حابساه كتير زنازين

أسف ما نيش مجبور



أكتب كلام معجون

بمرار في حلق السنين

مليون رواية على كام بيوت م الشعر

عاجزين قوي عن وصف أوجاعي

حكايات كتير تلخيصها كان الهجر

باحكمها سرًا علشان ما فيش داعي

سعيت كتير وعانددت موج البحر

لو قلت باغرق - ولا حد بيراعي

"لسا القلم عمال يزود في البكا"

شلال دموعه شكلت حبة حروف

لله وبس يجوز دُعا والمُشكك

قادر يطيب كل جرح وكل خوف"



رسالة من شاعر.. بديوان يتيم

إلى كل واحد كان يهّمه الأمر

عائشين بقلب شيطان رجيم

سقيتوني ليه من فيض عسلكم مرّ؟

سقطت وشوشكم أجمعين

واهو بان لي انا الوش الحقيقي

يا معشر الإنس اللعين

الوحدة في الأحزان صديقي

يا مُغرمين بالشعر والوزن والقافية

يا مؤمنين بالسحر والزينة والزفة



أُقَسِّمُ بِ 1000 يَمِينٍ، الشِّعْرُ لَهُ عَوْرَاتٌ  
أُجْزِمُ وَاعِيدُهَا وَأَقُولُ، الشِّعْرُ لَهُ حُرْمَاتٌ  
-أوعوا تخطوها-

مش كُلُّ حَشْوٍ وَقَوْلٍ، يَنْفَعُ نَقُولُ لَهُ اللهُ  
خَلَوْا الْكَلَامَ مَعْقُولٍ، الشِّعْرُ أَصْلُهُ حَيَاةٌ  
- حبوها وعيشوها -

يَا مُغْرَمِينَ بِالشِّعْرِ، عَلَى كُلِّ شَكْلِ وَلَوْنٍ  
الفِكرَةُ مش فِي العَدَدِ - الفِكرَةُ فِي المِضمُونِ  
بِاسْأَلِ كَثِيرِ نَفْسِي ..

عَلَى مِينِ يَكُونُ اللُّومُ  
هَلْ ذَنْبِي كَانَ يَأْسِي؟  
أَمْ يَأْسِي كَانَ مَظْلُومًا!



الذنب والله، كان ذنبكم أنتم  
مجدتو كام شاعر، بيهم وأمنتهم  
وكأنهم أنبياء، معصومة م الأخطاء  
كُل كلامهم سم، كُل كلامهم داء

\* لَسَّ الْقَلَمُ عَمَّالٍ بِالْغَضَبِ يَنْزِفُ حَبْرَ

الليلة زاد البُكا حتى بُلُوغِ الْفَجْرِ \*

\* \* \*



## حالة ميلاد

بتاريخ: 27 فبراير عام 1991

الساعة: الواحدة بعد مُنتصف الليل

الحدث: ميلاد طفل بقلب راجل عجوز

حالة الجو: غير مُستقر على الإطلاق

### التفاصيل

أُمي بتصرُّح جوا أوضتها

تقريبًا كدا دا ميعاد الطلق

حيط البيت من صرختها

اتهمز ودمع .. شَرخ واتشق

أبويا بصوت فرحان م الخوف



عمال يجري بسرعة وملهوف

- اندهوا داية .. سخنوا مياه

هاتوا ملاية..

مستي جنابي إنه يشرف

يلا يا داية اعلمي معروف

مشتاق لضنايا ألمسه وأشوف

أمي بتصرخ جوا الأوضة

وأنا ساكن جدًا جواها

مش عايز أخرج

أبويا قاعد في صالة بيتنا

وياه رجالة حتنا

أمي بتصرخ .. لسا بتصرخ



لساني مكلبش جواها رافض أخرج

وف جزء أقل من الثانية

عياطي رج تلك الدنيا

من يومي كئيب

مهو أصلاً وضع الدنيا مُريب

تلخيصًا جدًا لحكايتي

تاني يوم م الأول لولادتي

اختار لي أبويا "أحمد" اسمي

سجلني يومها 1 مارس

م العين ربي ليّ حارس

وكبرت خلاص واهو شاب سّي

\* \* \*



مسك الختام ..

تعظيم سلام وكمآن شابووه

ذيعوا البيان دا يا ناس يا هووه

كُل اللّٰي كُنْت باقي عليهم

مَصَّوَا ف دم قلبي وسابوه



## الفهرس

- 9 ..... تسعين دقيقة بُكا
- 14 ..... قالوا عني
- 18 ..... تصرّح بالدفن
- 24 ..... بنت من سابع سما
- 32 ..... إكّتاب مُزمن
- 38 ..... آخر حدود الصبر
- 44 ..... نفسي أعيش
- 47 ..... حكاية صبي
- 58 ..... خيط دايب
- 63 ..... أنا العاشق
- 69 ..... وجعيني



- 78 .....مُكاملة في نُص الليل
- 82 .....أربع جدران
- 85 .....رقصة موت
- 89 .....أنا وانتِ
- 93 .....هلاوس
- 97 .....ليلة بكى فيها القلم
- 103 .....حالة ميلاد

\* \* \*



للتواصل مع الشاعر

أحمد آل صالح: Facebook:

البيدج الرسمية:

Ahmed Saleh - أحمد صالح

<https://www.facebook.com/Ahmed.Saleh.Official>

